

---

## CIX.

5 Augustus 1566.

*Lettre missive du Prince d'Orenge à Son Altèze, en date  
le V<sup>me</sup> d'Aougst 1566.*

MADAME,

Pour continuer advertir Vostre Altèze de ce que ce passe par icy, icelle sçaura que hier ilz firent les presches, mais en beaucoup moindre nombre de gens armez que les aultres fois, et espère Dimenche prochain se diminueront davantaige, s'ilz ne prennent quelque aultre peur du Drossart de Brabant. D'aultre part, Madame, j'ay parlé à toutes les Nations résidens en ceste ville, les admonesté et prié vouloir continuer la trafficque commun du passé, afin que, à faulte d'icelle, le povre commun ne soit occasionné comectre quelque désordre : quoy faisant, ilz feront service très-agréable à Sa Majesté, et donneront tant plus d'occasion au repos et tranquillité de ceste ville. Sur quoy m'ont respondu tous unanimement le vouloir ainsy faire, moyennant qu'aultre nouvelleté n'advinst, de sorte que les choses, Dieu mercy, sont par icy assez quiètes, et viendront encoires davantaige, si quelque ordre se mist quant au guet et garde de la ville. Sur ce, Madame, baisant

---

(1) Aangehaald blz. 127. Zie GACHARD, *Op. cit.* T. II, p. 174.

très-humblement les mains de Vostre Altéze, prie Dieu de  
vous conserver en santé, vie et longue.

D'Anvers, le V<sup>me</sup> jour d'Aoust 1566.

Collationnée à l'auctenticque copie, est  
trouvée accorder par moy,

A. GRAPHEUS. (1)